

Headline **Najib saksi pemeteraian 3 MoU dengan Universitas Hasanuddin**
Date **19 Nov 2009**
MediaTitle **Berita Harian**
Section **Nasional**
Journalist **N/A**
Frequency **Daily**
Circ / Read **192,917 / 1,521,000**

Language **Malay**
Page No **2**
Article Size **123 cm²**
Color **Black/white**
ADValue **1,677**
PRValue **5,032**



Najib saksi pemeteraian 3 MoU dengan Universitas Hasanuddin

MAKASSAR: Hasrat Perdana Menteri, Datuk Seri Najib Razak untuk melihat kerjasama lebih erat dengan Wilayah Sulawesi Selatan menjadi kenyataan semalam dengan termeterainya tiga memorandum persefahaman (MoU) antara Kementerian Sains, Teknologi dan Inovasi (Mosti) dengan Universitas Hasanuddin (UNHAS) di sini.

Tiga MoU itu membabitkan agensi di bawah Mosti iaitu SIRIM Berhad, MIMOS

dan Technology Park Malaysia (TPM).

Najib menyaksikan majlis menandatangani MoU itu sempena lawatan kerja sehari beliau ke sini semalam, sebagai tetamu kenamaan pada acara sambutan ulang tahun ke-689 daerah Gowa.

Kerjasama antara SIRIM dengan UNHAS membabitkan bidang pengurusan akuakultur dan pembangunan usahawan untuk komoditi kentang serta produk hilirannya, sementara antara

MIMOS dan UNHAS pula merangkumi bidang pertanian dan kelautan iaitu bagi penganjuran akuakultur dan pertanian jitu.

Technology Park Malaysia pula menandatangani kerjasama dengan UNHAS dalam bidang komuniti sosial dengan memberi peluang kepada penyelidik UNHAS menggunakan makmal dan kemudahan pemprosesan herbal di bilik TPM yang terletak di Raub, Pahang.

Semua projek di bawah tiga MoU itu akan bermula

akhir tahun ini dan dijangka siap sepenuhnya pada 2010.

Menteri Sains Teknologi dan Inovasi, Datuk Seri Dr Maximus Ongkili yang turut hadir berkata, ini kali pertama agensi di bawah Mosti mengadakan kerjasama di Makassar.

Program kerjasama itu dijangka akan mengeratkan lagi hubungan dua hala Malaysia dan Indonesia khususnya dalam bidang sains, teknologi dan inovasi. – Bernama